

DISISEN BLONG MALAKULA ISLAND COURT WE HEMI TEKEM INSAED LONG LAKATORO KOT HAOS
LONG TASDE NAMBA TRI DEI BLONG MANIS NOVEMBA 1988 EMIA FOROM kraon long Unua we
oli kolem PRESBYTERIAN MISSION LAND.

Disisen ia emi kamaot long Lakatoro Court House long Aelan blong Malakula.

Long histri blong Sengen Bwarangsusrup hemi talem se woman emi kamaot long Hemirtungan i maret iko antap long Batamar: Same woman ia i mekem rot blong hem ikam taon long Solwora long Hemirtungan. Long klem blong Sengen yet, hemi talem se hemi folem basket we Hemirtungan ibin kivim long woman wei maret iko antap long Batamar. First nasara blong Sengen long Solwora hemi Banktete wei stap insaed long bandri blong Hemirtungan from we Jif blong Hemirtungan i kivim raet long hem.

EMIA OLGETA POEN WE MALAKULA AELAN KOT EMI FAENEM TRU LONG TOKTOK LONG KOT WETEM WOKABAOT WETEM SENGEN LONG BANDRI BLONG NASARA HEMIRTUNGAN:-

1. Same woman wei maret iko antap long Batamar, hem yet i mekem rot blong Sengen i kam taon long solwora.
2. Bubuman blong Sengen i karem trifala woman - blong Hemirtungan, Batamar weteu Hemerif.
3. Sengen Barangsusrup hemi klemem Hemirtungan tru long woman we bubu blong hem i maretem, mo raet we Hemirtungan i kivim long hem tru long nasara blong hem taon long solwora we oli kolem BANKTETE.

FOLEM OLGETA POEN IA MALAKULA AELAN KOT EMI FAENEM SE SENGEN BARANGSUSRUP HEMI KAT SAMFALA RAET INSAED LONG PRESBYTERIAN MISSION KRAON LONG UNUA WE INSAED LONG EM NAOIA IKAT PRESBYTERIAN CHURCH BUILDING WETEM NERAMB PRIMARY SCHOOL.

LONG SAED BLONG PASTOR ROMA MASSING:

Long histri blong Pastor Roma Massing emi wok wetem tufala histri. Hemi aot long Bangkmes iko long Hemirtungan taem faet i ronem hem. Hemirtungan emi tekemaot posen aro mo yusim posen aro ia blong faetem ol enemi blong hem wan wetem. Afta we oli finisim haos blong olgeta, Hemirtungan emi givim bak posen aro long olgeta, mo hemi givim nem ia Hemerif long nasara blong olgeta.

EMIA OL POEN WE MALAKULA AELAN KOT EMI FAENEM TRU LONG TOKTOK LONG KOT WETEM WOKABAOT LONG KRAON BLONG HEMIRTUNGAN:-

1. Hemirtungan hemi givim raet long Pastor Roma Massing blong stap long nasara

we nem blong Hemerif.

2. Malakula Aelan Kot i faenem se faet ino ronem yu long Bangkmes, be oli sutum yu wetem posen aro emia antap long first nasara blong yu antap long bus, mo yu ronwe i kantaon, mo yu spel smol, taem pain ikam moa strong, emia long Bangkmes, afta yu kirap nao yu tes kam tru long bigfala nasara Hemirtungan.
3. Hemirtungan hemi no sasara blong yu.
4. Kot emi faenem se man Hemirtungan, nokat wan emi life tete. Kot i faenem se Etienne Tunaim mo Louis Buer Rohor tufala tuketa ino blong Hemirtungan, be tufala i blong Hemerif.
5. Ples we Presbyterian Mission Kraon i stap long em, emi insaed long bandri blong Hemirtungan nomo, be emi no wan separet eria em wan.
6. Taem Kot emi wokbaot long kraon wetem yu, emi no faenem se ikat wan separet bandri blong Hemirtungan mo Hemerif, be ikat separet bandri blong Hemirtungan wetem Bangktete.

FOLEM OLGETA POEN IA MALAKULA AELAN KOT EMI FAENEM SE PASTOR ROMA MASSING HEMI KAT SAMFALA RAET INSAED LONG PRESBYTERIAN MISSION KRAON LONG UNUA WE INSAED LONG EM. NAOIA IKAT PRESBYTERIAN CHURCH BUILDING WETEM NERAMB PRIMARY SCHOOL.

FAENEL DISISEN BLONG MALAKULA AELAN KOT FOROM KRAON LONG UNUA WE PRESBYTERIAN MISSION I STAP LONG EM, EMI KO OLSEM:-

Sengen Bwarangsusrup wetem Pastor Roma Massing, tufala tuketa ino blong Hemirtungan be nasara blong tufala, Bangktete wetem Hemirif, Hemirtungan nomo emi kivim raet long tufala. Man blong Hemirtungan, nokat wan i life tete. Man blong Bangkmes or Batafis, nokat wan i life tete; mo kraon we Presbyterian Mission i stap long em emi insaed long bandri blong Hemirtungan. Forom rison ia, Malakula Aelan Kot emi no save kivim raet iko long wan long yutufala i stap rao forom kraon ia, from we yutufala tuketa ino blong Hemirtungan. Malakula Aelan Kot emi disaed se plantation blong Sengen Bwarangsusrup babae istap nomo long hand blong Sengen. Fence wire blong Sengen Bwarangsusrup babae i stap nomo olsem. Hamas kokonas blong Mission wei stap insaed long fence wire blong Sengen i blong Sengen everiwan; emia olsem share blong hem long kraon ia, folem blad blong mama. Kraon aotsaed long wire fenc blong Sengen Bwarangsusrup, we ol kraon ia Presbyterian Mission emi ownem, se everi kraon ia i blong Pastor Roma Massing. Emi tabu blong Sengen Bwarangsusrup emi seftem wire fence blong hem ikam insaed long Mission kraon bakeken. Emi stap olsem wanem naoia be babae i stap oltaem olsem ia.

MALAKULA ISLAND COURT JUSTUCES:

GEORGE MALEP
GREN OBEDIAH
EPHRAIM MALTOCK

MALAKULA ISLAND COURT CLERK:

CLEOPHAS BANI



SCALE 1/10,000

300

Natural Scale 1/10,000

Pop. 10 at 1200

RETOK (Ocean)

JANUA

UNVUA (= ONUA)

Pop. 10

APPL 9 125

14 12

Native Land

APPL 444 (Bogut Hill)

Native Land

UNVUA

Creek Native Land

66 acres 2 roads 100 ft wide and drainage



21

